

**Bələ nii sagı tə, Polə nə púpúní
 ɔ pa
 Koréntə
 Kərisə lià tə nə
 Koréntə tián bələ nii sagı tə
 yuu wa sɔgɔ**

Liù tə, ɔ nə púpúní sagı ku tə
 Ku yi *tɔntɔnu Polə nə púpúní ku.

Lià tə nə, Polə nə púpúní
 Ba boŋə sagı ku tə <bələ nii sagı> tə, Polə
 púpúní ɔ pa *Kərisə lià tə nə, ba nə wulə
 Koréntə nə.

Sagı tə wa sɔgɔ
 Polə púpúní ba, pwiə yà nə tə wulə *Kərisə
 lià tə tətəŋi wa, yiri. Ba wa liù don twɪn Polə
 zənzən. Yá ku tə nə dwə, ba wa lià duən kúù ba
 cígà kàrà tə, Polə nə bɪri tə nii nə, twá.

Polə caga ɔ tiàn yiri, ɔ ga pìà, sə ɔ pa ba
 lwari, ɔ tɔtɔŋi tə nə yi nətɔ, ɔ nə yi Zwezi-Kərisə
 *tɔntɔnu tə yiri. ɔ bɪri də, Zwezi-Kərisə tɔntɔnu
 mɛ, sə ɔ vwa ɔ tiàn míámíán Zwezi nə, ɔ ma tun.

Polə jònì Kərisə lià tə Koréntə nə

(Kolosə tián 1.1-8; Galasi tián 1.1-5)

¹ Yu twá də ɔ fira tə, ɔ ma kúrí à mù Polə, sə
 à ya Zwezi-*Kərisə *tɔntɔnu. À mù də Timote,
 ɔ nə yi don tə, ɔ nə yi á nubiu Kərisə yiri, nə
 púpúní sagı ku tə, nə pɪn á mù Kərisə lià púlí tə

nø, ku nø wulø Korentø nø. Nø pìà, sè sagi ku tē yí lià tē dē mama, ba nø yí Kērisø nø ti, ba ga wulø Akayi nagwanaa tē wa. ² Nø nyina Yü dē *Yuu-Tiu Zwezi-Kērisø nø wá fwa pubwanu á yira, yá ba ga pa aba bican sié.

Nø kēni Yü lèèèè, v nø zùrì nø bicanì nø càn wa yiri

³ Nø pian dun Yü nø, v nø yí nø *Yuu-Tiu Zwezi-*Kērisø Yü, v ga yí v nyina dē. U mù nyina tēntē dēri lià yinogē, v ga zùrì lià bicanì dē. ⁴ Máná mama, càn nø yí nèba, v mù nø yáá zùrì nø bicanì, sè ku pa nø dē wàní nø zùrì lià tē bicanì, ba nø wulø càn yiri mama wa, ndē Yü nø fwa nētü nø yira. ⁵ Nētü tē Zwezi-Kērisø nø dí càn zēnzēn, yá nø dē ga wulø càn zēnzēn wa, mē nētü nø, Yü wá twá Zwezi-Kērisø, v ma zùrì nø bicanì zēnzēn. ⁶ Yá nø dàń nø dé càn, ku yí, sè ku pa á bicanì zùrì. Ku ga tē wá pa Yü pa á ya v cwəŋə tē wa. Dē nø bicanì nø zùrì, ku yí, sè ku pa á dē bicanì wàní tē zùrì, sè á ja pínú, dē càn tē tē, nø nø wulø tē wa, yiri nø yí aba. ⁷ Nø dàń ja yala dē aba, nø ga yèé dē, á dē nø wulø càn tē wa, nø dē nø wulø tē wa, Yü wá zùrì á bicanì, ndē v nø zùrì nø dē bicanì nētü.

(2 Korentø tián 4.8-18; 2 Timote 2.8-12; Filipø tián 1.27-30)

⁸ Nø nubia-ba, nø pìà, sè á lwarì, nø nø dí càn nētü Azi nagwanaa tē wa. Nø dí càn zēnzēn, tē càn tē nø dwə nø diàn. Yá tē dàń pin, nø yá kúù ba yala jə dē, nø mu wá ya luv wa. ⁹ Nø tētē bicanì wa, nø yá ken nø sírí dē, ku yí nø tian nø yí. Ku yoo tēntē tun, sè ku pa, nø kúù dàn ká ja

nø tətə diàn, sə nə dån ja Yui tə, v nə bwin tıga tıan wa, diàn. ¹⁰ Mə v m̀ m̀ nə van nəba v li, yá v ga tə wá van nəba v li tə m̀ tıan təntə yiri wa. Cígá mama, nə jə yala də, v tə wá van nəba v li tə wa. ¹¹ Á də tətə wá san, á lòrì Yui, á pa nəba. Yá Yui dån wá fwa v pubwanv tə nə yira, là zənzən nə lòrì wá ba pın nəba yiri. Máná tə, Yui nə wá le nəba, v ga san nəba, kv wá ya là zənzən nə wá kə v lèèè ba pa nəba.

¹² Á nəjə yoo tə, kv nə pın nə wàá á yoo nə tì, nə ma bwı nə tiàn nə. Nə yèé nə pubıja wa də, nə jun nə tiàn, nə wà durən yìèn fwa. Nə yın cígá wa luv kv tə wa, kv tə nə dwə, á m̀ yáá con. Kv nətv tə yi Yui nə pın kv tun. U m̀ yà nə kəni nəba cwəjə wa, də v pubwanv tə, kv tà nə tətə pubıja yà nə kəni nəba cwəjə wa. ¹³ Kv tə, nə nə púpúní nə pa aba, kv wa ba yosəgu mama jə. Mə kv m̀ nə á kàrì sagı kv tə wa, yá á ga nèn kv dèn. À bıja də, kv ja vəli kv yígúré wa, á wá lwarı kv dèn míámían. ¹⁴ Kv yi ndə á tə wà lwarı míámían, də dıın tə, nə Yuu-Tiu Zwezi nə wá pıı v bà, á wá tì nə yoo, á ma bv á tiàn nə, nə də ga wá tì á yoo, nə ma bv nə tiàn nə.

Polə pıı v lwàn v kúv bá va Korentø

¹⁵⁻¹⁶ Á m̀ jə á yala nətv. Kv m̀ nə pın, à yá dí yáá à kə sírí, sə à bà à zıgı á con, à va Masedwanə nagwanaa. Yá máná tə, à nə kúv pıı à naıja Masedwanə à bıàn, à tə wá twá á con, sə á san nə, sə à lə à va Zwide nagwanaa. Kv nətv dån wá pa, Yui kúv fwa v pubwanv tə á yira nəè bələ.

17 Yá à nè kúò pìí à lwàń à pubuŋa tə, ku tà tutu, ku jə dèń. Á yèé də, à ba yoo tuŋa də à tətə fira. À ba <awo> də <on on> swìn, à gùlí duən wa, yoo nədɔ yuu wa. 18 Yu yi liù tə, ɔ nə yi pùé nədɔ tíú. Yá ɔ mù Yu təntə yèé də, nə wà <awo> də <on on> ma gùlí duən wa yoo nədɔ yuu wa. 19 Á yèé də, ku yi Yu tətə biú Zwezi-*Kərisə yoo nə, à mù Polə, də Silasə də Timote swìn nə biri aba. Zwezi-Kərisə tà <awo> də <on on> liù. U yi <awo> liù máŋá mama wuuu. 20 Yu twá də ɔ mù, ɔ ma swìn, ɔ wú <awo> wiən tə mama yuu wa, ɔ nə kàn nii. Yá nə də ga tə twá də ɔ mù, nə ma wú <amuna>, sə ku pa dun Yu nə. 21 Ku tə nə sùrí lá, Yu tətə nə pɪn nə mù də á mù zɪga dɪàn, nə ma twá Zwezi-Kərisə nə. Mə ɔ mù Yu nə kúrí nɛba, ɔ kə vàn nə, sə nə tɪn nə pa wá. 22 Yu nə ken ɔ *Siŋu tə nə bicanɪ wa, ndə mɪmɪnan nə, sə ɔ ma biri də, nə yi ɔ mù nyiən. U Siŋu təntə nə yi wozəŋə tə, ɔ nə tanɪ ɔ tún təntən nyiən, ku ga biri də, wiən duən tə wulə, ɔ nə wá pa nɛba.

(2 Korēntə tián 12.19-21; 13.1-2, 10; 1 Tesalonikə tián 2.3-12)

23 Yu mù yèé ku tə, à nə buŋa à waa con. Də ku nə yi kunkun nə à kuni, sə à mi zwèe. Won tə, ku nə pɪn à wà pìí à bà á con Korēntə nə, ku yi à ba pìà, sə à bà à tɪn lwanɪ á yɪra. 24 Ku tà nə pìà nə kálí aba, sə nə swìn á con, nɛtu á nə mɛ, sə á kə á waa Zwezi-Kərisə nə. Nə yèé də, á keni á waa Zwezi-Kərisə nə wuuu, á ga zɪga dɪàn. Yá ku dāń yi nə pìà nə tɪn də aba, sə ku pa, á wàní á ya pupwən wa.

2

¹ Á nənə, à pubuŋa tə nə yi nətu. À pubuŋa wa à ba pìà, sə à pìí à bà á con, də à túrí tə nə wá bwé ku kə aba pucvni wa. ² Də à nə ken aba pucvni wa, á mù yà ga nə me, sə á poli à pùé, wàà dān nə kùù wá poli à pùé? ³ Mə ku mù dān nə pɪn, à ma dí yáá à púpúní sagɪ á nə, yá à ga kùù wà twi, sə à na aba. Də à yà nə twi á con, á yà wá pa à pùé cùgù. Yá á mù yà nə me, sə á pa à pùé poli. Ku yi cígá, à jə á mama dīàn ku yoo tə wa. À ga yèé də, à nə wulə pupwən wa, á də mama wulə pupwən wa. ⁴ À dí yáá à púpúní sagɪ təntə á nə, sə á lwarɪ də, á yoo yì nə zənzən, ku pa à pùé cùgù, à ga kwi yinɪa á yiri, mánjá tə wa, à nə púpúní sagɪ ku tə. Ku dān nə tà à púpúní á nə, sə à kə pucvni á nə. Ku yi à púpúní á nə, sə à pa á lwarɪ, à nə swə aba zənzən nətu.

Á tíé yoo tə, á dvgv tia!

(2 Korentø tián 7.5-16; Likə 17.3)

⁵ Də liù nə fwa pucvni yoo, ku tà à mù cɪcɪ yura nə, v fwa ku. Ku yi á mù mama yura nə, v fwa ku. Ku nə swə ku tà á mama, á lià duən mù pwíí cùgù. À ba pìà, sə à man ku, à pa ku doni juun. ⁶ Á wa lià zənzən ken càn zənzən ku bæ təntə nə, v nə tun ku yoo tə. Yá ku dān me, sə á yá ku me nətu. ⁷ Yá síún nə, á dān me, sə á tì v yoo tə á dvgv tia, sə á pìí á zùrì v bican. Ku nə tà nətu, pucvni wá zu wá zənzən, ku pa v jìàn gwàrì míámíán. ⁸ Ku mù nə pɪn, à dān kwè aba, sə á pìí á bɪrɪ wá də, á swə wá. ⁹ Á nənə yoo tə don də, à nə púpúní à sagɪ tə, à pa aba, ku yiri.

À púpúní kv, sè à ma dédén aba à jón, á zìlì à nìi yoo mama wa naaa. ¹⁰ Yá síón nò, liù tẹ, á nò tì v cuna á dọgbu tia, à dẹ tì kv à dọgbu tia. À mù con, à tì bẹẹ tẹntẹ cuna tẹ, à dọgbu tia á mù yiri Zwezi-*Kerisẹ yáá con. ¹¹ Nẹ yèó kv tẹ, *Sítana nẹ pìà, sẹ v fwa, zèni. Yá à ba pìà, sẹ Sítana twá cuna tẹntẹ nẹ, v dé dìàn nẹ yuu wa.

Polẹ twá Tẹrowasẹ v lẹ

¹² À yà zàn à va Tẹrowasẹ, sẹ à swìn Zwezi-*Kerisẹ sọywánú tẹ à bırı lá. Máná tẹ, à nẹ yí lá, à ni dẹ, *Yuu-Tiu yà sùrí cwẹjẹ, v pa nẹ, sẹ à swìn v sọywánú tẹ. ¹³ Yá à bican wa, à yà ba sié jẹ, à nẹ wà Titẹ ni, v nẹ yi à nubiu Kerisẹ yiri. À dǎn ma lòrì cwẹjẹ, Kerisẹ lià tẹ con Tẹrowasẹ nẹ, à ga lẹ à va Masedwanẹ nagwanaa tẹ wa.

Zwezi-Kerisẹ dí dìàn

(Romẹ tián 15.17-19; 1 Korentø tián 1.17-24; 2 Korentø tián 4.1-7)

¹⁴ Nẹ dǎn kẹnẹ Yu lẹẹẹ, v nẹ bırı nẹba luv nẹ, ndẹ nẹ yi bàn dìè lià, kwatara yuu tíú nẹ ta kùb, ba ja ba vanja. Yá v dǎn ga twá dẹ nẹ mù, v pìn ba lwarì Zwezi-*Kerisẹ bwálí mama wa. Nẹ dǎn yi ndẹ lwán* nẹ, tẹ nẹ sùé bwálí mama, sẹ kv pa lià tẹ lwarì Zwezi-Kerisẹ. ¹⁵ Nẹ mù dǎn yi ndẹ lwán nẹ, tẹ nẹ ywán Yu yáá con, tutuṅi tẹ yiri, Zwezi-Kerisẹ nẹ pìn, nẹ tuṅa. Nẹ swìn v yoo lià tẹ con, Yu nẹ wá jon ba ba cuna wa, dẹ lià tẹ con, ba nẹ wá ti ba jén míámíán Yu

* **2:14** 2.14 Dí yáá nẹ, *Romẹ-ba luv wa pìú tẹ, v nẹ ta kùb v dé, v kwatara tẹ yáá pú v kwa, ba ja twá tu tẹ wa ba lẹ, sẹ kv pa wá dun. Ba yàá lwá turali dẹ turali nuga tẹ lwán nẹ ywán.

yáá con. ¹⁶ Ku nə yi là tə, Yu nə wá jon ba ba cuna wa con nə, nə yi ndə lwán nə, tə nə ywán, tə nə biri də, ba wá na mu, ku nə ba zwèe Yu con. Yá ku dàń nə yi là tə, ba nə wá ti ba jén míámíán Yu yáá con, nə yi ndə lwán nə, tə nə ba ywán, tə nə biri də, ba wá ti Yu yáá con. Liù təlél, v nə wáá tə yìèn təntə v tɔŋa. ¹⁷ Nə mù tà ndə là zənzən nə, ba nə swìn Yu sɔgv tə, ba biri, ba ma pià nywarı ndə baywələ nə. Nə mù yi Zwezi-Kərisə tütònà. Ku mù nə pın, nə swìn Yu sɔgv tə, nə biri də nə cígá mama v mù Yu yáá con.

3

*Polə yi v tɔŋa Yu nimarv nədɔn tə yırı
(1 Korentø tián 9.1-3; 2 Korentø tián 5.18-21)*

¹ À dàń pià, à bwe aba, à jén, ku yi nə wulə nə púpúní sagı ku tə, sə nə ma biri aba ku tə, nə nə yi naaa? Nə à yèé, ku me, sə nə də lòrì aba, ndə là duən nə, sə á púpúní sagı, á pa nəba, sə nə ma pa ba lwarı ku tə, nə nə yi? Nə à yèé ku me, sə là duən púpúní sagı, ba pa aba, sə ku biri nətɔ tə, nə nə yi? Mə ku yi nətɔ là duən con.
² Á tətə yi ndə sagı nə, ku nə púpúní nə bıcanı wa. Yá là tə mama wáá ku ba kàrì, ba ga wáá ku ba lwarı. ³ Ku yi cígá, á yi ndə sagı nə, Zwezi-*Kərisə nə twá nə tɔtɔŋı tə nə, v ma púpúní. Ku tà níá tə, ba nə ma púpúní sagı, v ma púpúní sagı təntə, ku yi Yu tə, v nə wulə mu wa, *Siŋu tə, v

ma púpúní kv. Kv tà kapana* púpúnú daborubii yuu wa, v púpúní kv. Kv yi læzoni bicanı wa v púpúní kv.

⁴ Fən ba nəba jə kv yoo təntə yuu wa Yı yáá con, Zwezi-Kərisə yırı. ⁵ Nə yèé zəni də, nə tətə diàn wà yí, sə nə tun won mama. Kv yi Yı nə pın nəba diàn, sə nə wàní nə tun. ⁶ U mù nə pın nəba diàn də, sə nə wàní nə ya v tütònà, nə swìn v *nimarv nədun tə yoo, nə bırı là nə. U nımarv nədun təntə tà Yı *nii tə, ba nə púpúní ba tún, kv yi Yı-Sıju tə. Yı nii tə, ba nə púpúní ba tún, yà pın là tə tı Yı yáá con. Yá Yı-Sıju tə mù yi kv pın nəba mı tə, kv nə ba zwèè Yı con.

(Ebərə-ba 8.6-13; 12.18-29)

⁷ Yı nii tə yà yi kv púpúní kapana púpúnú daborubii yuu wa. Yá *Moyizə dān yà mə, sə v twá də Yı nii təntə, kv nə pın là tı Yı yáá con, v tun v pa Yı nə. Də kv nətv mama, Yı pın Moyizə yáá pıplı də dun, *Yızərayelə là tə nə wàri v yáá wa ba ywànjá, tə yırı. Yá v dun təntə yà ga bá ya lá, mánjá mama wuuu. Də Yı nii tə, kv nə pın là tı v yáá con, nə bırı v dun tə nətv, ⁸ Yı-Sıju tə dān pın, là na dun nəfarv, tə nə dwə nətv. ⁹ Də Yı nii tə, kv nə pın v bürı là bürà, sə v cùgù ba, nə bırı nəba Yı dun nətv, Yı cígá tə, v nə wá ma pa, sə nə ya cígá tián v mù Yı yáá con, dun wá doni nətv. ¹⁰ Nə dān wáá nə swìn də, dun nəfarv twi síún nə, tə dwə dí yáá dun tə. Yá dí yáá dun tə dān yi ndə tə kúb

* **3:3** 3.3 Yı *nii tə, v nə pın *Moyizə nə, yà yi kv púpúní kapana púpúnú daborubii yuu wa.

tələ. ¹¹ Ku yi cígá də, wiən tə nə bá ya lá máṅá mama, nə jin dun nətu, ku pià ku biri nəba də, wiən tə, tə nə wulə máṅá mama, dun wá doni.

¹² Nə dān jə yala təntə, ku mù nə pin, nə jə wɔdɔ, nə ma swɪn tə nəpon nəpon. ¹³ Nə ba fwa ndə Moyizə nə yáá tì gankíkala, ɔ ma pú ɔ yáá nə. Ʋ yáá fwa nətu, sə Yizərayelə lià tə dān ká na Yu dun tə nə wá zwèe, tə yá ɔ yáá tə nə nətu. ¹⁴ Yá Yizərayelə lià tə mù con, ba yun yà kva, ku pa ba ba ku dèñ nèñ. Də zèn mama, mə ku tə yi nətu, ku pa ba bia tə də nə. Ba nə kàrì Yu də ləzoni nimarɔ nədwan saga tə, ku yi ndə gankíkala təntə nə púó ba yía nə. Ku yáá pa, ba ba ku dèñ nèñ. Ku yi nətu, ku nə yi Zwezi-Kərisə cɪɪ nə wáá gankíkala təntə, ɔ li liù yía nə yiri. ¹⁵ Də zèn mama, ba nə kàrì Moyizə saga tə, ku yi ndə gankíkala təntə yáá pú ba yía nə, ba ba ku dèñ nèñ. ¹⁶ Yá máṅá tə wa, liù tə, ɔ nə vɔvəri ɔ tiàn, ɔ kə *Yuu-Tiu con, gankíkala tə yáá nan, ka yá ɔ yía nə. ¹⁷ Ku yi nətu, sə ku biri də Yuu-Tiu tə nə yi Yu-Siṅu tə, Yuu-Tiu Siṅu tə ga nə wulə bwálí nə, ku yáá pa lià tə tɪnɪ ba tiàn. ¹⁸ Nə dān ywàṅá Yuu-Tiu ndə zəṅu nə, ɔ dun tə nə pɪpɪli ku wa. Gankíkala kúù wà nə mù liù mama yía nə pwí. Máṅá tə, nə nə ywàṅá wá, Yuu-Tiu Siṅu tə dān lwàní nəba, ku pin nə kwen nə nyɪn də Yuu-Tiu də dun, tə nə dáá zənzən, tə nə sùrí wuuu.

*Nə mù ba diàn jə, yá Yü ga pün nəba diàn
(1 Tesalonikə tián 2.1-6; 2 Korentø tián 2.14-17)*

¹ Yü dəri nə yinəgə zənzən, ɔ ga pa nəba tɔtɔɲi təntə, ku mù nə pün nə jìàn ba gwàrì. ² Nə dān vɪga cavɪra yokɔkwɪnan tə, là nə sègè ba tɔɲa. Nə ba tɔɲa də yíá swɪan, nə ga ba Yü sɔgɔ tə lwàní. Yá nə mù dān yɪ cígá tə, nə yáá swɪn nəpon nəpon, sə ku pa, là tə mama lwarɪ də, nə yɪ cígá là Yü yáá con. ³ Nə swɪn sɔywánú tə, nə bɪrɪ là nə. Yá gankɪkala tə púó là duən yíá nə, ba ba sɔgɔ təntə dèñ nèñ. Ba mù là təntə yɪ là tə, ba nə wá tɪ, ba jén Yü yáá con míámíán. ⁴ Ba mù là təntə ba sɔywánú tə dèñ nèñ. Lɔɔ ku tə pìú *Sɪtana nə cìgá ba pubɔɲa nə, ba dān ká nì ku dèñ. ɔ ma kúò ba pìà, sə ba na Zwezi-*Kərisə sɔywánú tə poni tə, ku nə bɪrɪ ɔ dun tə. Mə ɔ mù Zwezi-Kərisə nə nyɪn də Yü cígá cígá. ⁵ Máná tə, nə nə kàrì Yü sùràn tə, nə bɪrɪ, ku tà nə tətə yoo, nə yáá kàrì nə bɪrɪ. Ku yɪ Zwezi-Kərisə, ɔ nə yɪ *Yuu-Tiu tə yoo, nə yáá swɪn nə bɪrɪ. Yá nə mù dān yɪ á tùtònà Zwezi-Kərisə yɪrɪ. ⁶ Máná tə, Yü nə fwa lɔɔ, ɔ swɪn, ɔ wú: «Poni wá pɪpɪlɪ yikunu wa». Mə ɔ mù Yü tətə nə pün, ɔ poni tə pɪpɪlɪ nə bɪcanɪ wa. Poni təntə pün, nə na ɔ dun tə, tə pɪpɪlɪ Zwezi-Kərisə yáá wa.

(2 Korentø tián 6.3-10; 1.5-11; 2 Timote 2.8-11)

⁷ Nə bwànà ndə tɪran nəkənə nə. Yá nə ga jə won təntə, ku kwənə nə dáá, nə bɪcanɪ wa, sə ku pa diàn təntə, tə nə dwə tə mɛ, ya Yü diàn, ku dān ká ya nə tətə diàn. ⁸ Là zɪga nə

nə bwálí mama nə, yá ba wà nəba cùgò. Ba ken nəba yojanan zənzən wa, yá tə ba pɪn nə li yala míámíán. ⁹ Ba kəni nəba cən wa, yá Yɪ ba nəba vɪ ɔ dɔga. Ba janɪ nəba ba dɪlɪ tɪa, yá ba ba nəba gwɪ. ¹⁰ Mánǎ mama, kɪ dǎn yɪ ndə Zwezi tɪan tə yiri wulə nə yuu wa, sə kɪ pa lià twá də nəba, ba ma lwarɪ mu tə, Zwezi-Kərisə nə wulə kɪ wa. ¹¹ Kɪ yɪ cígá də, mánǎ tə mama, nə nə wulə lɔv kɪ tə wa, nə kəni nə tián tɪan jìàn wa mánǎ mama wuuu, Zwezi-Kərisə yɪrɪ, sə kɪ pa lià twá nə mù nə wá bà nə tɪ tə nə, ba ma lwarɪ mu tə, Zwezi-Kərisə nə wulə kɪ wa. ¹² Kɪ nətv dǎn pɪn, nə mù yɪ nə wulə tɪan jìàn wa, yá kɪ tə wá pa á na mu Yɪ con.

¹³ Nə mama pubɔŋa yɪ nədv, nə nə twá kɪ nə, nə ma kəni nə waa Yɪ nə, ndə kɪ púpúní Yɪ sagɪ tə wa, kɪ wú: «À keni à waa Yɪ nə. Kɪ mù nə pɪn, à swìn ɔ yoo». Nə də keni nə waa Yɪ nə wuuu nətv. Kɪ mù nə pɪn, nə də swìn ɔ sugɔ tə, nə bɪrɪ. ¹⁴ Yá nə dǎn yèé də, liù tə, ɔ nə pìí ɔ bwin Yuu-Tiu Zwezi ɔ li tɪan wa, ɔ wá pìí ɔ bwin nə də ɔ li tɪan wa, nə də Zwezi-Kərisə nə vwə duən nə yɪrɪ. Ʋ dǎn wá ja nə mù də á mù mama, ɔ bà ɔ yáá con. ¹⁵ Yìèn təntə mama tvn á mù yɪrɪ, sə kɪ pa Yɪ fwa ɔ pubwanɔ tə lià zənzən yɪra ɔ sùrí wuuu. Kɪ nətv wá pa, lià ya dǎnɪ zənzən ba kə Yɪ lèèèe də ba pɪn wá dun.

*Nə kənə nə pubɔŋa Yɪ sǎn wiən tə yuu wa!
(1 Piyerə 1.6-9; Romə tián 8.23-25; Filipə tián 1.23; Ebərə-ba 12.28-29; Tɔtvnan 24.15-16)*

¹⁶ Kɪ mù nə pɪn, nə vǎnà ba gwàrì. Nə yèé də, nə yɪra tə mù yɪ tə gwàrì mancɪn mancɪn.

Yá Yı dǎn pın yoo tē, kǔ nē wulē nē pubuŋa tē wa, lwàní kǔ jì nēdun, dıın mama. ¹⁷ Kǔ yı cígá, síún nē, nē wulē càn mancın wa. Yá nē dǎn wá na dun nēfaru càn tēntē yırı. Dun tēntē dwē won mama, tē ga wulē máŋá mama wuuu, kǔ nē ba zwèe. ¹⁸ Kǔ nētu dǎn pın, nē mù pubuŋa kùd tēlé wiēn tē yuu wa, ba nē na yía wa. Nē pubuŋa dǎn yı kǔ wulē wiēn tē yuu wa, ba nē ba na yía wa. Wiēn tē, ba nē na yía wa, tē mù yı tē wulē máŋá mancın wa. Yá wiēn tē, ba nē ba na yía wa, tē mù wulē máŋá mama wuuu, kǔ nē ba zwèe.

5

¹ Nē yıra tē yı ndē diè nē, nē mı tē nē wulē kǔ wa tia ka tē yuu. Kǔ diè tēntē ga wá tu dıın don nē. Yá nē dǎn yèé dē, dıın tē, diè tēntē nē tua, Yı wá pa nēba yıra duēn, sē tē dē kùd ya nē mı tē diè, Yı sǎn nē. Tē mù yıra tēntē kùd ba cùgà, ndē diè nē, lēzoni nē lwè dē ba jìàn. Nē mı tē dǎn ga wá ya kǔ wa, máŋá mama wuuu, kǔ nē ba zwèe. ² Síún nē, nē dǎn yı nē bıbılı, máŋá kǔ tē wa, nē mı tē nē wulē tia yuu yıra tē tē wa. Nē pià, sē Yı pa, nē mı tē zu yıra tēntē wa, tē nē wulē u con, ndē ba nē zwı gǎnù nētu. ³ Máŋá tē, nē mı tē nē zua Yı sǎn yıra tēntē wa, mē tē mù dǎn nē wá ya nē yıra, máŋá mama wuuu. Yá nē mı tē kùd bá ya wala Yı yáá con. ⁴ Máŋá kǔ tē nē mı tē nē wulē tia yuu yıra tē tē wa, nē yı nē bıbılı ndē zılı nēfaru nē wulē nē yuu wa. Kǔ yı cígá, nē ba pià, sē Yı ja nē yıra tē tē u li, u yá nēba. Kǔ yı nē pià, sē u pa nēba yıra nēdun tē,

ku nē ba tɪ, sē ku jon yɪra nēdwan tē, ku nē tɪ tē yuu nē. ⁵ Yɪ tētē dān nē tanɪ nēba v tɪn, sē v pa nēba mu tētē. U pɪn nēba v Sɪnɪ tē, ku nē yɪ wozəŋə tē, v nē tanɪ v tɪn tētən nyiən, ku ga bɪrɪ dē, wiən duən tē wulə, v nē wá pa nēba.

⁶ Ku nētɪ dān pɪn, nē jìàn jē dìàn máŋá mama, nē ga yèé dē, máŋá tē mama, nē mu tē nē wulə nē tia yuu yɪra tē tē wa, nē ŋúná dē *Yuu-Tiu.

⁷ Nē yèé dē, ku yɪ nē kēni nē waa Yɪ nē wuuu, nē ja wulə, ku dān nē tà nē na wá nē yía wa.

⁸ Ku yɪ cígá, nē jìàn jē dìàn zənzən, yá nē dān tē swə, sē nē mu tē nan, ku yá nē yɪra tē tē, sē ku va ku ya dē Yuu-Tiu Zwezi-Kərisə v sàñ nē.

⁹ Ku mù nē pɪn, ku tē dān nē yɪ nē pubɪŋa yoo, ku mù nē yɪ, sē nē tɪn ku tē nē poli v pùé. Nē pià, sē nē tɪn ku, dē nē mu tē nē wulə yɪra tē tē wa, nē à yèé, dē nē mu tē nē nan ku va v con.

¹⁰ Nē mama mɛ, sē nē va nē zɪɣɪ Zwezi-Kərisə yáá con, sē v bùrì nē bùrà. Yá liù mama dān wá na v zəni tē, nē à yèé v lwanɪ tē, v nē fwa tia yuu wa, ŋwírán.

Zwezi-Kərisə pɪn nē mù dē Yɪ piì nē kə duən yuu

(Romə tián 5.1-11; 6.2-13; Efezə tián 4.20-24)

¹¹ Nē mù dān yèé, ka zìlí *Yuu-Tiu nii dēñ. Ku mù nē pɪn, nē kēni dìàn, sē nē pa lià lwanɪ cígá tē. Yɪ yèé ku tē, nē nē yɪ zəni, yá à buŋa dē, á dē pubɪŋa wa, á yèé nēba zəni. ¹² Nē ba pià nē piì nē bɪrɪ aba, ku tē nē nē yɪ. Ku yɪ nē pià, nē yá cwəŋə nē pa aba, sē á tì nē yoo, á ma bu á tiàn nē. Ku mù nē wá pa, á wàní á le lià tē, ba nē fwa fwiə ku tē yɪrɪ, ba nē na ba yía wa, ba

ga ba ku tē nē wulē bican wa, jēlē. ¹³ Ku yi cígá, á buŋa dē, nē nyàŋà naaa? Nē nē nyàŋà, ku yi Yū cici con. Yá nē dān nē ba nyàŋà tē, ku yi á mù con. ¹⁴ Ku tē mama nē nē fwa, ku yi Zwezi-Kerisē sonu tē nē yugē nēba. Nē yēé dē, v mù liù nēdv tē nē tīga lià tē mama yuu yiri, yá ku dān biri dē, ba mama twá dē wá ba ti. ¹⁵ U tīga luv ləzoni mama yiri, sē ku pa ba tē nē wulē mi wa, twá ku tē nē, v nē pià, ba kùv dān ká twá ba tētē fira yìèn tē nē. Mē ba mù yiri nē v tīga, v ga pií v bwin v nan tian wa.

¹⁶ Ku mù yiri, síún nē, nē kùv ba lià kúrí duən wa, ndē ləzoni nē fwa nētv. Dí yáá nē, nē yà jē pubuŋa tētē, nē ma jēlē Zwezi-Kerisē. Yá síún nē, ku tà pubuŋa tētē, nē kùv ma jēlē wá. ¹⁷ Liù tē mama, v nē vwē v tiàn Zwezi-Kerisē yira, ku tiú jigē laduv. Yodwara tē mama, v yà nē wulē tē wa dān lē, yá á nēŋē v yìèn mama dān jigē yodura. ¹⁸ Ku yi Yū nē tuŋa yìèn tētē mama. U tun Zwezi-Kerisē, sē v pa nē mù dē v mù Yū pií nē kē duən yuu. Yá síún nē, Yū dān tun nēba, sē nē swìn nē biri dē, v pià, sē v mù dē lià tē mama pií ba kē duən yuu. ¹⁹ Ku yi cígá, Yū twá Zwezi-Kerisē, v pa luv ləzoni tē mama dē v mù Yū pií ba kē duən yuu. Yá Yū wá ba cuna tē jēlē v kē ba yuu wa. Yá v dān tun nēba, sē nē swìn lià tē con dē, v pià, sē v mù dē ba pií ba kē duən yuu.

²⁰ Nē dān yi Zwezi-Kerisē tuntuana. Ku yi ndē Yū tētē nē twá nē nii sùràn tē nē, v ma kwē lià tē. Nē lòrì aba Zwezi-Kerisē yiri, sē á pa á mù dē Yū pií á kē duən yuu. ²¹ Zwezi-Kerisē yà wá

cuna tun míámíán. Yá Yui ken nə mù cuna tə v yuu wa. Yui fwa kv nətə tə, nə mù yiri, sə kv pa v twá nə mù də Zwezi-Kərisə nə wulə duən nə tə, v pa nə jì cígá tián v mù Yui yáá con.

6

(1 Tesalonikə tián 2.1-13; 2 Timote 3.10-11; 2 Korēntə tián 11.23-30)

¹ Nə yi Yui tütònà. Yá nə yi nə tɔɔa duən nə. Kv mù yiri, nə dǎn kwè aba, sə á dǎnà ká pa, Yui pubwanə tə, v nə tun á yira, jì tutə. ² Kv yi cígá, Yui swìn, v wú:

«À le n yjɔɔn tə, máɔá tə wa, à nə pià, sə à le mú. Máɔá nə yí, sə à jon lià tə cuna wa, à san mú».

Á nəɔə, kv yi máɔá kv tə wa, Yui wá fwa nəba zəni. Á nəɔə, kv yi máɔá kv tə wa, Yui dǎn pià v jon lià tə. ³ Nə nə tɔɔa nə pɔɔn Yui nə tə yiri, nə ba pià, sə lià na cwəɔə ba cəɔə nəba, nə tutɔɔn tə wa. Kv mù nə pɔɔn, nə ba yoo tɔɔa, kv nə wá pa, lià dɔɔv Yui cwəɔə tə ba jén. ⁴ Yá yoo mama wa, nə yáá kə diàn, sə nə biri də, nə yi Yui tütònà. Nə yáá ja pínú wuuu, kv nə yi càn, nə à yèé wiən nə mùrì nəba, nə à yèé pucɔɔn, nə tə yáá píní tə wa. ⁵ Ba nə mà nəba, ba kə bǎn diè wa, nə à yèé, ba nə sugu lià zənzən, ba kə nə nə, nə à yèé ka tun tutɔɔncaran ka gwàrì, nə tə yáá píní tə də wa. Kv nə yi nə nə wàrì nə dwee, nə à yèé niən janə, nə tə yáá píní tə də wa. ⁶ Nə ba nə tiàn kəni durən yìèn wa, nə biri də, nə yèé Yui cígá tə. Nə jə pínú, nə ga yi woywanyina də. Yui-*Sijə tə wulə də nəba, nə

swə lià tə duən tə də bɪcan nədʊ. ⁷ Nə swìn cígá sugu tə nə bɪri, Yɪ də pɪn nəba ʊ diàn tə ku yɪri. Nə wulə Yɪ cígá cwəŋə tə wa, ku ga yɪ ndə nə ti kwatara zɪla, sə nə ma ta, də tə tə, nə nə ma cì nə tiàn nə. ⁸ Ba pɪn nəba dun, ba duən də ga kəni cavɪra nə nə. Ba swìn nə yozəŋə, ba duən də ga swìn nə yolwan. Ba jələ nəba ndə kunkuna nə, yá nə ga yɪ cígá nə swìn. ⁹ Ba jələ nəba ndə ba yèrì nəba, yá ba mama ga yèé nəba zəni. Ba buŋa máŋá mama də, nə wá tɪ, yá á nəŋə, nə mu dàń ga tə wulə zəni. Ba kəni nəba càn wa, yá nə ba tɪ də. ¹⁰ Ba kəni nəba pucɔni wa, yá nə ga tə wulə pupwən wa dɪn mama. Lià yáá con, nə yɪ ndə zɪra nə, yá nə mù ga nə pɪn lià zənzən jì jɪjə tián. Nə yɪ ndə nə ba won mama jə, yá nə ga jə wiən tə mama.

¹¹ Á mù Koréntə tián-ba, nə swìn á con nəpon nəpon. Nə swìn ku tə nə wulə nə bɪcanɪ wa, nə bɪri aba. ¹² Nə mù wà nə bɪcanɪ pwí də aba, ku yɪ á mù dàń nə púé á bɪcanɪ də nəba. ¹³ Á swìn á con ndə nyɪna nə yáá swìn ʊ bia con nətu, sə á də sùrí á bɪcanɪ á bɪri nəba.

*Yɪ də woŋwanan nə ba duən nə tuŋa nətu
(1 Koréntə tián 10.14-22; Efɛzə tián 5.5-11; 1
Piyerə 2.9-12; Apokalisə 18.4)*

¹⁴ Á dàná ká twá lià tə, ba nə tà *Kərisə lià tə nə, ba tutunkukwɪnan tə wa. Yoo tə, ku nə yɪ cígá Yɪ yáá con, də yoo tə, ku nə yɪ lwanɪ yoo wàrì duən nə tə kəni. Poni də yikunu də wàrì bwálí nədʊ tə yanɪ. ¹⁵ Zwezi-Kərisə də *Sɪtana wàrì duən yuu ba kəni. Yá nɪmarʊ yoo ga tələ

liù tē, v nē keni v waa Zwezi-Kōrisē nē wuuu, dē
liù tē, v nē wà v waa ken v nē, pwērē wa. ¹⁶ Yū
*diè dē wōṅwanan yoo tēlé duēn nē. Kū yī cígá,
nē mù nē yī ndē Yū tē, v nē wulē mī wa, diè tē
nē, ndē v nē swīn, v wó:

«À wá jēn dē ba, à ga wá ya ba tētēji wa. À wá
ya ba Yū, yá ba dē ga wá ya à mù là».

¹⁷ Kū mù nē pīn, Yūu-Tiu tē swīn, v wó:

«Á dān nāṅa là tē wa, ba nē tà Kōrisē là tē. Á
pīan á mù dē ba mù ya yīṅṅi dē duēn.
Á dānà ká dwen durēn won yīra, yá à mù
dān ga wá sēe à jon aba à kē à con».

¹⁸ Yūu-Tiu tē, v nē wulē tē mama yūu wa swīn
v sūrī lá, v wó:

«À wá ya á nyīna, á dē ga wá ya à bīa dē à bwīi».

7

¹ À nubisoni-ba, Yū kàn nikanī tētē, v pa
nēba. Kū mù yīri nē, nē dē dān mē, sē nē lī
nē tián durēn yīēn tē mama wa, tē nē cūgà nē
yīra tē dē nē pubūṅa tē. Nē fwa kū nētū nē va
nē yī máṅá tē, durēn nē kúè tēlé nē yīra, nē ga
zilī Yū nīi dē.

Polē pupwēn tē yoo

(1 Tesalonikē tián 3.6-9; Ebērē-ba 13.17)

² Á pīan nē yoo ya á bīcanī wa! Nē wà yolwan
tūn liù mama yīra. Nē wà liù mama cūgū. Nē
wà liù mama won gīgīri nē jon. ³ Á dānà ká bún
dē, kū yī à swīn sūrān tē tē, sē à ma kē yoo á
yūu wa. À dí yáá à swīn á con dē, á yoo wulē
nē bīcanī wa. Dē nē mī nē wulē lūu wa, nē à

yèé nè nè tɪga, won mama wàrì nèba, ku pwèe duən nè. ⁴ Fən ba nè jə á yoo wa míámíán. À jə cígá, sè à tì á yoo à ma bwɪ à tiàn nè. À bɪcan zùrì zənzən á yoo wa. Nə wulə càn zənzən wa, yá də ku nətu mə, à pùé tə poli zənzən, ka ja ɛ.

⁵ Ku yɪ cígá, nè nè twi nè yí Masedwanə nagwanaa tə, də zən mama, nè tə wà wàní nè sɪi mancɪn tətə. Càn yirə yirə twi, tə tu nè yuu wa. Lìà yà zàn, ba zɪga nè nè, yá nè bɪcanɪ də wa fən yà jə nèba. ⁶ Yá Yɪ tə, ɐ nè yáá zùrì pucɔnɪ lìà bɪcanɪ, dàñ twá Titə nè twi nè con tə nè, ɐ ma zùrì nè də bɪcanɪ. ⁷ Ku tà Titə túrí tə cɪcɪ nè zùrì nè bɪcanɪ. Ku tə nè sùrí lá, ɐ twi ɐ bɪrɪ nèba nətu tə, á nè zùrì ɐ də bɪcan. Ʋ bɪrɪ nèba nətu tə, á nè pìà, sè á pìi á na nè cígá cígá. Ʋ bɪrɪ nèba, á pùé nè cùgò nətu, də nətu tə, á dàñ nè pìà, sè á caga à yɪrɪ. Tə yìèn təntə dàñ pɪn, à pupwən tə sùrí zənzən.

⁸ À yèé də, sagɪ tə, à nè dí yáá à púpúní, á nè cùgò á pùé. Yá à mù con, à pùé ba cùgà ku yoo təntə yuu wa. À pùé nè swə ku cùgò, də ku yɪ à nè lwarɪ də, à sagɪ tə cùgò á pùé nè mánjá mancɪn wa yɪrɪ. ⁹ Yá síún nè, á pucɔnɪ təntə nè pɪn á vəvəri á kwa, á ma sá á cuna tə, dàñ pɪn à pùé poli. Ku tà à nè cùgò á pùé nè, tə nè pɪn à pùé poli. Á pùé tə nè cùgò tə yɪ ku twá də Yɪ fira. Ku mù yɪrɪ nè, ku tə, à nè púpúní, wà aba yolwan fwa. ¹⁰ Ku yɪ cígá, də pucɔnɪ nè twá də Yɪ fira, ku ma yí liù, pucɔnɪ təntə yáá pa ɐ vəvəri ɐ kwa, ɐ ma sá ɐ cuna tə, ku ga pa, ɐ wàní ɐ na mu tə, ku nè ba zwèe Yɪ con. Ku mù pucɔnɪ yiri təntə ba pɪn liù swìn ɐ wú, ɐ yà

nø yèé. Yá pucvni nø yí liù, kv ga yí luv wiøn nø pɪn tɔ tun, kv wá pa, kv tíú kwìn mu tɔ nø, kv nø ba zwèe Yɪ con. ¹¹ Kv yí cígá, á pucvni tɔ yí kv twá dɔ Yɪ fɪra. Á dǎn nɛŋɔ kv tɔ, pucvni tɔntɔ nø tun á yɪra. Kv mù nø pɪn, á dǎn bɪbarɪ, sɔ á tun won mama, ndɔ kv nø mɛ nɛtv. Kv mù nø kúv pɪn, á dǎn pìà, sɔ á bɪrɪ dɔ, á ba cuna swə. Kv mù nø kúv pɪn, á lɪŋa dǎn zaŋa yolwan tɔ yɪrɪ, kv nø tun á tɔtɔŋɪ wa. Kv mù nø kúv pɪn, fɛn dǎn jɔ aba, kv tɔ yɪrɪ, á nɔ fwa. Kv mù nø kúv pɪn, á dǎn pìí á pìà, sɔ á na nɔ cígá cígá. Kv mù nø kúv pɪn, á dǎn jɔ yawala, sɔ á tun kv tɔ, Yɪ nɔ swə. Kv mù nø kúv pɪn, bɛɛ tɔntɔ, v nɔ tun cuna tɔ, á dǎn kɔ wá càn wa. Yìèn tɔ mama, á nɔ tun, á dǎn bɪrɪ dɔ, á wà yolwan tun tɔ wa.

¹² Yá à dǎn nø dí yáá à púpúní á nɔ, kv tà bɛɛ tɔ, v nɔ tun lwanɪ tɔ yɪrɪ. Kv ma kúv tà liù tɔ, ba nɔ tun lwanɪ tɔ v yɪra yɪrɪ, à púpúní á nɔ. Yá kv yí à púpúní á nɔ, sɔ kv pa, á nɔ bɪbarɪ, sɔ á tun á pa nɔba tɔ, wàní kv nan yíi nɔ, á tɔtɔŋɪ wa Yɪ yáá con. ¹³ Mɔ kv mù nø pɪn, nø bɪcanɪ zùrɪ. Yá kv ga tà nø bɪcanɪ nø zùrɪ tɔ cɪcɪ. Kv tɔ nø sùrí lá, nø pwíí dɔ poli zɛnzɛn, á mama nø pɪn Titɔ pubɔŋa ya bwálí nɛdv, v pùé ga poli tɔ yɪrɪ. ¹⁴ Titɔ mù con, à tì á yoo à ma bu à tìàn nɔ. Yá à wà cavɪra dí. Nɔ swìn yoo mama á con, dɔ cígá. Yá kv kwa nɔ, yìèn tɔ mama, nɔ nɔ bùà á nɔ tɔ yɪrɪ, Titɔ yáá con yí cígá. ¹⁵ Yá v yáá pìí v líí nɛtv tɔ, á nɔ sèè, á pa v zɪrɪ á yuu, dɔ nɛtv tɔ, á mama nø sèè v nii, á nɔ zìlí wá zɛnzɛn, dɔ á vɪvaga v yáá con. Yá v dǎn yáá kwɛn v sóní aba, v sùrí wuu. ¹⁶ À pùé poli dɔ, à nɔ wàá á yuu

wa jələ yoo mama wa tē yiri.

8

*Səbiu tē, ba nə lá, sə ba pa Zwerizalemə
Kərisə lià tē nə yoo
(Marəkə 12.41-44)*

¹ À nubia-ba, nə pià, sə nə man nə biri aba, Yu nə fwa v pubwanv tē, Masedwanə nagwanaa *Kərisə lià púló tē wa nətv. ² Yièn wuwali ba, tē pa ba dí càn zənzən, yá ba ga tē wulə pupwən wa, ba ja le tia nə. Zuri də jə ba zənzən, ku ja le tia nə. Yá ba tē san lià tē nə də wuywan nəfarv. ³ Ba pin səbiu, ndə ba nə wàá ba pin nətv. À tətə ni ku nə yin nətv. Ba pin səbiu zənzən, ba ja le ba diàn mánǵá tətə, ku ga yi ku twá də ba tətə fira. ⁴ Ba lòrì nəba pwə pwə, sə nə pa ba cwəŋə, sə ba kə ba jìàn ku tutuŋi təntə wa, ba ma san lià tē nə, Kərisə nə ti. ⁵ Ku tē, ba nə tun, ku dwə ku tē nə yà nə buŋa də, ba wá tun. Ba dí yáá, ba ti ba tiàn ba pa *Yuu-Tiu nə. Ku kwa nə, ba tē pin ba tiàn nə də nə, ndə Yu nə pià nətv.

(Romə tián 15.25-27; 2 Korēntē tián 9.6-15)

⁶ Titə dí yáá v lá səbiu tē á con, yá v ga tē wà zwèe. Mə ku mù yiri, nə lòrì wá, sə v dàñ tun ku wuywan tutuŋi təntə, v zwèe. ⁷ Á jə wiən tē mama Yu cwəŋə tē wa. Á keni á waa Zwezi-Kərisə nə wuu. Á swìn Yu svǵu tē zəni. Á yèó cíǵá tē də zəni. Á bıbari mánǵá mama, sə á tun. Á swə nəba zənzən. Ku mù yiri, á dàñ tuŋa ku wuywan tutuŋi təntə, á sùrí lá wuu.

⁸ Ku tē, à nè swèn yəbə, ku tà nii à pɪn aba, sə á twá ku nè. Ku yɪ yoo, à maŋa à bɪrɪ aba, sə á lwarɪ Kərisə lià púló tē duən nè bɪbarɪ ba tɪn ku yoo tɛntə lala nətɪ. Á də tɪŋa ku yoo tɛntə, á ma bɪrɪ də, á swə Kərisə lià tē cígá cígá. ⁹ Á yəé, nè Yuu-Tiu Zwezi-Kərisə nè fwa ɪ pubwanɪ tē á yɪra nətɪ. ɪ mù yà jə wiən tē mama, ɪ ga yá tē, ɪ jì zɪrɪ á mù yɪrɪ. ɪ jigə zɪrɪ, sə ɪ pa á mù dàń jì jɪjə tián Yɪ yáá con, ɪ zɪrɪ tē yɪrɪ.

¹⁰ Ku yɪ à də nè buŋa nətɪ səbiu tē yoo wa nè, à pìà, sə à bɪrɪ aba. Bɪrɪ tē, ku nè lɛ, á mù nè yɪn tɛntən lià, á nè dí yáá á lá səbiu tɛntə. Á mù ga nè yɪn tɛntən lià, də á nè sóní, sə á tɪn ku yoo tɛntə. ¹¹ Síún nè, á dàń tɪŋa ku tutɪŋɪ tē, á ja va á yí ku yígúré, ndə á nè kə sírí, sə á tɪn ku nətɪ. Á pɪan ku tē, á dɪàn nè yí, sə á pa, sə ku yoo tē nii sú. ¹² Á nè kən á sírí, sə á tɪn zìlò lià yɪra, ku yɪ yoo tē, ku nè zìən. Yá ku dàń nè mɛ, sə á tɪn zìlò tɛntə də won tē, á nè jə. Ku tà won tē, á nè ba jə nè, á wá ma tɪn tē. ¹³ Ku tà á mɛ, sə á dɔ càn lià tē yuu yìèn yɪrɪ, sə ba mù dàń ga ya sié wa. ɔn ɔn, ku tà nətɪ. Á mama mɛ, sə á mɛ duən. Síún nè, á mù jə wiən, tē búrí aba. Ku zìən, sə á lɪ tē wa, á pa lià tē nè, ba nè ba won mama jə. ¹⁴ Máná tē, á də nè twi á ba jə, də ba də nè kúè lwàn ba jə zənzən, ba də kúè wá pa á də nè. Yá ku nətɪ dàń wá pa, á mama mɛ duən. ¹⁵ Ku nətɪ dàń wá ya ndə, ku nè púpúní Yɪ sagɪ tē wa, ku wú: «Liù tē, ɪ pèe wodirən, tē búrí wá, tē kúè wà ku tíú búrí. Yá liù tē də, ɪ nè

pèe wodirən, tə mùrì wá, tə kùbò wà wá mùrì* ».

*Titə də Kərisə lià duən wá va Korəntə
(1 Korəntə tián 16.1-4; 2 Korəntə tián 9.1-5)*

¹⁶ Yı ken à yawala tətə yiri Titə bıcan wa, sə v bà v san aba. Yá nə dǎn kəni Yı lèèèe kú yoo təntə yırı. ¹⁷ Titə sèe kú tə, nə nə lòrì wá kú yırı. Yá kú tà kú cıı. U tətə bırı də, v ken sírí, sə v bà á con də v tətə fıra. ¹⁸ Nə dǎn tɔn v mù liù don, v nə yı nə nubiu *Kərisə yırı, á con. Kərisə lià púlé tə mama bıwı v mù bɛɛ təntə nə, v nə swın Zwezi-Kərisə sɔywǎŋú tə zəni zəni tə yırı. ¹⁹ Kú tə nə súrí lá, v yı Kərisə lià púlé tə nə kúrí wá, sə nə mù də wá twá lá, nə lá səbiu tə. Mə nə mù nə ba lı ba tún, sə nə tɔn tɔtɔnzəŋu təntə, sə kú pa dun *Yuu-Tiu nə, kú ga wá bırı də, nə pìà, sə nə san lià tə nə. ²⁰ Səbiu tə dáá zənzən, ba nə ken nə jìàn wa. Yá nə dǎn pìà nə cì nə tiàn nə, ba dǎn ká cəgə nəba, kú səbiu təntə yırı. ²¹ Nə pìà nə fwa kú tə nə zìən Yuu-Tiu yáá con, kú tà kú cıı, kú yı də ləzoni də yáá con. ²² Nə tɔn liù don də, v nə yı nə nubiu Kərisə yırı, nə súrí lià bələ tə nə. Nə twá yìèn zənzən nə, nə na də, v yáá bıbarı, sə v san v duən nə zənzən. Síún nə, v dǎn dugv v tiàn, sə v tɔn cígá cígá, v nə jələ á yuu wa tə yırı. ²³ Titə mù yı à twadon, à mù də wá nə tɔŋa duən nə, sə nə ma san aba. Yá Kərisə lià bələ tə duən tə, ba də Titə nə wá twá duən, yı Kərisə lià púlé tə nə tɔŋa ba á con. Ba yı ba tɔŋa, sə Zwezi-Kərisə na dun. ²⁴ Á pıan

* **8:15** 8.15 Mǎŋá tə, *Yızərayelə lià tə nə yın kasɔɔ lanworu tə wa, Yı pın wodiú don nan yı nə, kú tɔ. Ba bɔŋə kú wodiú təntə <manə>.

Kərisə lià púlé tə lwarı də, á cígá swə lià, yá nə də ga jə cígá, sə nə ti á yoo, nə ma bwı nə tián nə ba yáá con.

9

Yı swə liù tə, v nə pın də pupwən

¹ Kú kúv ba dèń jə də, à nə púpúnı à pa aba, sanɔ tə yırı, nə nə wá tun *Zwerizalemə lià tə nə, *Kərisə nə ti. ² Kú yı cígá, à yèé də, kú yı á tətə yà nə ken kú sírí, sə á san ba fuən. Kú mù nə pın, à ti á yoo à ma bwı à tián nə Masedwanə nagwanaa Kərisə lià tə yáá con. À swın ba con də, á mù Korentə Kərisə lià tə də Kərisə lià tə duən tə, ba nə wulə Akayi nagwanaa tə wa, yı dıan mama á tanı, sə á lá səbiu tə. Yá á yawala tə yigu Masedwanə nagwanaa lià tə zını, sə ba də tun kú. ³ Kú yı nətı, yá à ga tə tunja Kərisə lià ba tə á con, sə kú pa á kwen á tanı səbiu tə, ndə à nə swın á yoo nətı. Kú nətı dən wá pa, nə nə bwı nə tián nə á yırı tə, dən ká bà kú jı tutı. ⁴ Á dənà ká pa, à mù də Masedwanə nagwanaa Kərisə lià tə bà nə yı á con, sə ba na də, á wà tanı á zwèe, sə kú pa à nii mwarı də, nətı tə, à nə bırı də, à jə á dıan kú yoo tə wa. Yá kú ga wá pa á də tətə níé mwarı. ⁵ Kú mù nə pın, à bún à na də, kú me, sə à kwè lià batwa kú tə, ba nə yı nə nubıa Kərisə yırı, sə ba dí à yáá ba bà á con. À pià, sə ba san, sə á wàní á tanı á wıywan sanɔ tə, á nə dí yáá á swın də, á wá pa tə, á kə duən nə. Kú nə tun nətı, à dən bián, sə à yı á con, də á ken səbiu tə me duən nə á zwèe. Kú

nøtv wá biri də, səbiu tə yi á pɪn kv də á bɪcanu mama, kv tà liù nə kálú aba.

(1 Timote 6.17-19; 1 Zwan 3.16-18)

⁶ Á yèé də, liù nə dùè mancɪn, mə kv mancɪn tə, v wá za. Yá liù nə kúè dùè won zənzən, v ja ɛ tia nə, v wá za zənzən, v ja ɛ tia nə. ⁷ Á liù mama mɛ, sə v pa səbiu tə ndə v tətə nə bún v na nøtv v waa con. Kv dàn ká ya də pucɪni, nə à yèé ndə ba kálú wá, sə v pa kv. Kv yi cígá, Yɪ swə liù tə, v nə pɪn də pupwən. ⁸ Yá Yɪ diàn yí, sə v fwa pubwanv yiri mama á yɪra, v pa á na wiən zənzən, tə nə dwə wiən tə, tə yoo yà nə jə aba. Yá tə wiən tə dàn wá yí aba zənzən, tə ga zənzən á ma tɔŋa zəni yiri mama. ⁹ Kv wá ya, ndə kv nə púpúní Yɪ sagɪ tə wa, kv wú:

«Cígá tíú yàá tàrì v jɪjə wiən, v pɪn zura nə.

Yá v cígá tə tutɔnan tə wulə wuuu, máŋá mama kv nə ba zwèe».

¹⁰ Kv yi Yɪ nə yáá pa wodwii tə là nə, sə ba dù. V mù ga nə pɪn ba nii wodi də. V wá pa wodwii tə á də nə, v ga wá pa, kv wodwii təntə pùlì zənzən, sə á wàní á tun tutɔnzəŋə zənzən, tə nə biri də, á yi cígá tián Yɪ yáá con. ¹¹ Yɪ wá pa, á na jɪjə yiri mama, sə á ma san là nə də wɔywanv. Yá là zənzən dàn wá kə Yɪ lèèè á zílé wiən tə yɪrɪ, nə nə jɔŋə nə pɪn ba. ¹² Á səbiu təntə, á nə pɪn Zwerizalemə là tə nə, Kərisə nə tɪ, kv tà kv saŋa ba cɪcɪ. Kv wá pa, là zənzən kə Yɪ lèèè ba ja ɛ. ¹³ Á saŋv təntə wá biri də, á twá Yɪ cígá cígá, kv ga wá pa Yɪ na dun zənzən, də là tə nə yèé də, á sèe Zwezi-Kərisə sɔywanjə tə zəni, ndə á nə dí yáá á swɪn kv nøtv. Ba wá

pa dun Yui nè á wiën tē dē yiri, á nè pin ba, dē tē tē yiri, á nè pin là tē mama nè. ¹⁴ Yui fwa pubwanu á yira zēnzēn, u ja le tia nè. Yá ku nētu wá pa, là tē sóní aba, ba ga lòrì Yui ba pa aba. ¹⁵ Nē kēni Yui lēèèè u tarpivn tē yiri, u nè pin nēba, ku nè ba man don jē.

10

Polē caga u tutvñi tē yiri

(1 Korentø tián 2.1-5; Romø tián 15.17-19; 2 Korentø tián 6.4-7; 13.2-4, 10)

¹ À mù Polē lòrì aba dē, Zwezi-*Kērisē bīcabwanu tē dē u wbywanu tē, sē á cūgu à nii sugu. Ba yàá swìn dē, à nè wulē dē aba, à yi bwàbwà. Yá à nè lwàn à va bwálí don, à yoo yàá dà. ² À lòrì aba, sē á dànà ká kálú nè, á pa à yoo ya diàn, máná tē wa, à nè wá bà á con. Là duēn wulē, ba nè buña dē, nè tutvñē tē yi ndē lēzoni pubuña tutvñē nè. Mē ba mù là tēntē yuu wa, à wá pa à yoo ya diàn. ³ Ku yi cígá, nè yi lēzoni nè wulē luv wa, yá nè jaña tē mù tà ndē là tē, luv nè ti ba, jaña nè. ⁴ Kwatarí zila tē, nè nè ma jaña ku jaña tēntē, tà lēzoni kwatarí zila. Tē kwatarí zila tēntē yi Yui diàn tē kwatarí zila. Tē jē diàn, sē tē cūgù kunkun pubuñi tē, tē nè yi ndē duña tē dii nè, tē nè jē diàn. ⁵ Nē yàá cūgù fwiē wiën tē mama, tē nè cì là yàá nè, sē ba dàn ká lwarí Yui. Yá nè yàá swìn, nè pa là lwàn ba pubuñi, ba ga zilí Zwezi-Kērisē nii. ⁶ Nē ken nè sírí nè dànì máná tē, nè nè wá na dē, á zilí nii cígá cígá, sē nè dàn kē càn là tē nè, ba nè ba nii zilí.

7 Á με, sə á twá yìèn tə yáá wa, á ma ywàṅá tə. Də liù nə buṅa də, υ jə cígá, υ mù yí Zwezi-Kərisə nə tí, ku tíú με, sə υ lwarí də, ku tà υ cíci, nə də yí Zwezi-Kərisə nə tí nəba. 8 *Yuu-Tiu nə ken diàn nə jùn wa, sə nə ma dân á jìàn Yú cwəṅə tə wa. Ku tà, sə à mà cùgù aba. Də à nə swə, à bu à tiàn nə zənzən tə diàn təntə yíri, ku cavıra bá jə nə. 9 Á ba pià, sə ku ya ndə à saga tə yí à púpúní, sə à ma kə fən á waa. 10 Ku yí cígá, lià duən swìn də, à nə púpúní sagı á nə, à yáá púpúní yìèn tə nə cà, tə ga jə diàn zənzən. Yá à dân nə twi á con, à yáá bwàná, à sùràn tə də ga ba dèñ jə. 11 Ba mù lià tə, ba nə swìn sùràn təntə με, sə ba lwarı yoo ku tə: Yoo tə, nə nə púpúní saga tə wa, nə pa aba, də nə bwálí tə ḡúná, máṅá tə, nə nə wá bà á con, nə wá fwa ku yoo təntə, ndə nə nə púpúní ku nətu.

(Romə tián 15.20-21; 1 Korentø tián 15.8-10)

12 Lià duən jələ ba tiàn ba kəni ban ban. Nə mù wɔdɪv wà yí, sə nə swìn də, nə mù də ba mù nə με duən. Nə wɔdɪv də wà yí, sə nə tí nə tiàn nə ma man də ba. Ba mù tətə nə yáá maṅa duən, ba ma bırı ba liù mama nə με nətu. Ku bırı də, pubuṅa mùri ba. 13 Nə mù yí nə wá bu nə tiàn nə Yú tutuṅı tə cíci yíri, υ nə pın nəba. Nə bá bu nə tiàn nə yiri don, ku nə dwə jùn. Nə tutuṅı təntə, Yú nə pın nəba, ku mù nə ja nəba, ku bà ku nan á con. 14 Yá nə dân nə twi á con də Zwezi-Kərisə sɔywáṅú tə, nə wà ku tə, Yú nə swìn nə con, tə lɛ. 15 Nə mù ba tutuṅı tə, lià duən nə tun tí, nə ma bwı nə tiàn nə, sə nə dân ká lɛ ku tə, Yú nə swìn nə con. Yá nə dân ja

yala də, á tə wá kwɛn á kə á waa Zwezi-Kərisə nə zənzən, sə kv tə, nə nə tun á con tə, wàní kv sùrí, ndə Yu nə tàrì v pa nəba nətʋ. ¹⁶ Kv mù təntə kwa nə, nə dàń wá le á nagwanaa tə, nə va yɪɲɪ nagwanɛɛ tə wa, nə swìn Zwezi-Kərisə sɔywáɲú tə. Nə mù ba pià, nə va nə tun bwálí nə, lià duən nə dí yáá ba tun kv wa, yá nə pií nə ti ba tutɲɪ tə, nə ma bwɪ nə tiàn nə. ¹⁷ Kv púpúní Yu sagɪ tə wa, kv wó: «Liù nə pià, sə v bv liù nə, sə v bv Yuu-Tiu nə kv tə yɪɪ, v nə fwa». ¹⁸ Kv tà liù tə, v nə bwɪ v tiàn nə, nə Yu yáá jələ. Kv yɪ liù tə, Yu tətə nə bwɪ v nə, nə Yu yáá jələ.

11

Polə də kunkun tvntvna tə yoo

(Galasi tián 1.6-9; 2 Korentø tián 12.11-15; Matìə 7.15-20; Romə tián 16.17-18)

¹ Á jana pínú də nə. Síún nə, à dàń pià, sə à swìn nyɪnyan sùràn mancɪn. ² À mù ba á yɪɪ sèe, ndə Yu nə ba á yɪɪ sèe nətʋ. À yɪ à tanɪ aba à tún, ndə ba nə tanɪ kan nətʋ, sə á swe bɛɛ nədʋ cɪcɪ nə. Kv bɛɛ təntə nə yɪ Zwezi-*Kərisə. Yá à dàń pià, sə á dàń ya lià tə, á bɪcanɪ nə yɪ nəpon máɲá tə, à nə wá pa aba Zwezi-Kərisə nə. ³ Yá fən dàń jə nə də, liù nə wá gɪgarɪ aba də kunkun sùràn, v pa á kùb ba á tiàn lɪ durən wa, sə á twá Zwezi-Kərisə nə də cígá cígá. Mə nətʋ *Sɪtana jigə dən, máɲá don wa, v gɪgarɪ ɛvə də kunkun sùràn. ⁴ Fən jə nə, à nə yèé də, liù nə twi á con də kunkun sùràn, á wá kə á nii ba kwa á pa v

kàrì aba tē yiri. Yá nētū tē, ƚ nē wá swìn Zwezi-Kērisē yoo ƚ biri aba, dē nētū, nē nē swìn ƚ yoo nē biri aba, kƚ tà nēdƚ. Siŋu tē dē, ƚ nē pià ƚ pa aba, kƚ tà siŋu tē, á nē dí yáá á na. Zwezi-Kērisē suywánú tē, ƚ nē wá swìn ƚ biri aba, kƚ tà suywánú tē, nē nē swìn nē biri aba.

⁵ Á mù buŋa dē, ba mù lià tēntē yi *tuntuna yáá tián. Yá à dē con, à dē na dē, ba ba nē dwē won mama wa. ⁶ À mù sēe, à yèrì sùràn à swìn ndē ba nē. Yá kƚ dàń nē yi yēnu mù, à dē jē yēnu. Nē biri aba kƚ yēnu tēntē nēpon nēpon nē kapupu.

⁷ Máná tē, à nē swìn Yū suywánú tē à biri aba, à ken à tián tia, à ga wà pa á ŋwín kƚ, sē à ma zìn á mù yi nē. Kƚ nētū tē yi yolwan, à fwa naaa? ⁸ Máná tē, à nē yin á con, kƚ yà yi Kērisē lià púlé duēn nē ŋwín nē, kƚ tà á mù. Á jon ba sēbiu tē, sē à ma wàní à san aba. ⁹ À nē yin á con, sēbiu yoo jin nē, yá à wà pa à ya á liù nēdƚ tētē yuu zili. Kƚ yin Kērisē lià tē, ba nē wulē Masedwanē nagwanaa tē wa, nē twi, ba pa nē kƚ tē, kƚ yà nē mùrì nē. Yoo mama wa, à wà sēe à jì á yuu zili, à ga bá sēe à jì á yuu zili míámíán. ¹⁰ À wàá à tián nē à bwī dē kƚ yoo tēntē, liù mama ga wàrì kƚ yáá nē ƚ cì Akayi nagwanaa tē mama wa, Zwezi-Kērisē cígá tē yiri, ka nē wulē dē nē. ¹¹ À dàń bwe aba, sē à jén, kƚ yoo tēntē yi à fwa kƚ, à nē ba aba swē yiri naaa? Ōn on, Yū yèé dē, à swē aba. ¹² À tē wá tun tūtū, ndē à nē dí yáá à tun nētū, sē kƚ pa lià tē, ba nē pià ba bu ba tián nē dē, ba dē tuŋa, ndē nē dē nē tuŋa nētū,

dàn ká wàní ba bu ba tián nø. ¹³ Bara tontø yí kunkun tontuna. Ba yàá fwa, ndø ba yí Zwezi-Kørisø tontuna, yá ku ga tà cígá. Ba yí tütònà tø, ba nø gígarí là. ¹⁴ Á dànà ká pa ku yoo tontø gwárí aba. Sítana tøtø yàá lwán v tián v jø ndø v yí Yü *malíka, v nø wulø poni wa. ¹⁵ Dø Sítana nø tønə nøv, á dànà ká pa ku gwárí aba dø, v tütònà tø nø yàá fwa ndø v nø. Ba tønə ku tø nø tà cígá. Ba yígúré wa, càn nø wá ya ku tø, ba nø tun ñwírán.

Càn tø Polø nø dí yoo

(2 Korentø tián 15.10, 30-32; 4.9-13; 6.3-10; Tvtvnan 20.18-27)

¹⁶ À tø píí à bwé à swìn á con, á liù mama dàn ká bún dø, à yuu tèlé. Yá á dàn nø buŋə dø, à yuu tèlé, á pian nø cwəŋə, sə à dø bu à tián nø mancín. ¹⁷ Ku tø, à nø swìn yəbə, à wə cwəŋə lòri *Yuu-Tiu con, sə à swìn ku. Yá ku dàn yí à swìn ku, ndø à yuu tèlé, à nø yèð dø, yìèn wulø, à nø wáá à ma bwí à tián nø yíri. ¹⁸ Là zənzən twá læzoni pubuŋə nø, ba ma bwí ba tián nø. À dø dàn wá bu à tián nø, ndø ba nø. ¹⁹ Á buŋə dø, á yí yənu tián, á ga nø ní là tø, ba yun tèlé, á yàá swə, sə á ja á kə ba nø mwálí mwálí dø pupwən. ²⁰ Ba yàá ja aba, ba ma jì, ndø ba ywəŋə nø, dø ba fwa swian, ba ma jonə á wiən. Ba yàá gígíri aba, dø ba goni aba, dø ba mà á yáá wa. Yá á mù tø janí á kəni ba nø. ²¹ Nø mù yun fənyina zənzən, sə nø tun tø yìèn tontø á yira. Ku mù nø pin, cavira jø nø, sə à swìn nø yoo.

Síun nø, à dàñ wá swìn, ndø à yuu tøló. Won tø mama liù nø ba føn dæri, sø υ bu υ tián nø ku yiri, à dø ba føn dæri, sø à bu à tián nø ku won tøntø yiri. ²² Ba yàá swìn dø, ba yi *Ebørø-ba cígá cígá. À dø yi Ebørø cígá cígá. Ba yàá swìn dø, ba yi *Yizərayelø lià cígá cígá. À dø yi Yizərayelø liù cígá cígá. Ba yi *Abərahame dwíí tø wa lià. À dø yi Abərahame dwíí tø wa liù. ²³ Ba yàá swìn dø, ba yi Zwezi-Kərisø tütònà cígá cígá. À dø kùð dwø ba, Zwezi-Kərisø tutuŋi tø wa. Subu ku tø, à nø swìn, ku yi ndø à yuu tøló. À tun à doni ba. Ba ken nø bàñ diè nεε kapupu, ba doni ba. Ba mà nø zenzən, ba doni ba. Nεε kapupu à mu wá zwèe ku doni ba. ²⁴ *Zwifø-ba yun tián tø mà nø tanpiri yía fitwa dø nuɔu nεε bonu. ²⁵ *Romø yun tián mà nø dø kafıran nεε batwa. Lià dılı nø dø kapana máŋá don wa, sø ba gu. Nεε batwa, à nø tì níá yuu bori, ku lwø, à nan à tu níá tø wa. Naa nødu à yin níá yuu wa, dıun nødu dø titın nødu. ²⁶ Nεε kapupu à vøli bwálá, à dé càn, mɔnεε nø súé tø pàlí yiri, dø ŋwına yiri, dø à tətø dwíí tián Zwifø-ba yiri, dø lià tø, ba nø tà Zwifø-ba yiri. À dí càn tıfaran wa dø kasoo lanworu wa, dø muu tø yuu. Kunkun lià, ba nø yi nø nubıa Kərisø yiri, tø dø ken càn à nø. ²⁷ À tun tutuncaran à yıra cε. Dıun don nø, à yàá wàrà à dwèe. Dıun don nø, niən yàá ja nø, nanyuıı dø jun nø, à ga píní à tián. Dıun don nø, à wàrà wodıu à nı à dé. Dıun don nø, waran yàá ja nø, à ga ba gànø jø. ²⁸ Yoo tø, ku nø sùrí tøntø mama nø, ku yi Kərisø lià púlé tø mama yoo jø

nə à bɪcan wa. Mánǵá mama, à bɪŋa ba yoo, à ba zwèe. ²⁹ Liù nə ba diàn jə Yu cwəŋə tə wa, ku yáá yi ndə ku yi à mù. Liù nə pɪn, liù dugv Yu cwəŋə tə, ku yoo tə yáá yì à də zənzən.

³⁰ Də à dǎn nə mɛ, sə à bu à tiàn nə, ku yi wiən tə, tə nə bɪri də, à ba diàn jə, à wá ma bu à tiàn nə. ³¹ Nə Yuu-Tiu Zwezi-Kərisə nyɪna Yu yèé də, ku tà kɪnkɪn à kɪnɪ. U mɛ, sə ba bu v nə mánǵá mama wuuu, ku nə ba zwèe. ³² Mánǵá don wa, à vɛli Damasə, də pìú Aretasə lɪ yáá tíú v tún, sə v ywǎn ku yuu v pa wá. U mù liù tɛntə lɪ lià, sə ba cì tiv tə nii nə, ba ma ja nə. ³³ Yá Kərisə lià tə dǎn ken nə fɪyafarv wa, ba vwə ŋwənə ku nə, ba twá cəliri ba lɪ nə, ba cwi tia béré tànǵá nə. Yá ku dǎn pɪn à jén v jìàn wa.

12

Wiən tə, Yu nə bɪri Polə nə yoo

(1 Korentø tián 2.3-5; 2 Korentø tián 4.7-10)

¹ À tə mɛ, sə à kwen à bu à tiàn nə, naaa? À yèé də, ku nətv ba nywarɪ jə. Yá à dǎn tə wá swìn won tə nə, ku nə nan *Yuu-Tiu con, də ku tə, v nə bɪri nə. ² À yèé *Kərisə liù* don, ku ja bɪna fugə banɪa, Yu ti wá, v ja di ban ban v mù Yu *sǎn nə. À mù dǎn nə yèrì, də ku nə yi v tətə, nə à yèé ku nə yi v jèré. Yu nə yèé, ku nə yi nətv. ³⁻⁴ Yá à dǎn nə yèé də, Yu ti bɛɛ tɛntə, v ja di v mù Yu sǎn nə. À dǎn nə yèrì, də ku nə yi v tətə, nə à yèé ku nə yi v jèré. Yu tətə nə yèé ku, à mù yèrì ku. U dǎn nə diǵà v yí Yu yáá con,

* **12:2** 12.2 Ku bɛɛ tɛntə yi Polə tətə.

v ni sùràn lá nø, tø nø wàrì tø swìn nii wa. Liù
 mama wà me, sø v twá v swìn tø sùràn tørtø v
 nii wa. ⁵ À bwì à tián nø kv mù bæe tørtø yiri.
 Yá à dàñ nø bá bv à tián nø won mama yiri, dø
 kv nø tà wiøn tø yiri, tø nø biri, dø à ba diàn jø.
⁶ Dø à yà nø pià, sø à bv à tián nø, à yà wá swìn
 cigá tø, à sùràn tø yà bá ya ndø nyinyansöran
 nø. Yá à dàñ nø ba pià, sø à bv à tián nø nøtv. À
 ba pià, sø lià bún yoo, kv nø dwø nø, ba pa nø. À
 pià, sø lià zilí nø, kv tø yiri, ba nø ni à nii nø, dø
 kv tø yiri, ba nø ni dø, à fwa. ⁷ Yü ba pià, sø à
 fwa fwìø, yìèn tørtø mama yiri, tø nø dwø won
 mama, v nø biri nø. Kv mù nø pün, Yü dàñ ma
 fwa yoo don à yira tø wa, kv nø yì nø zenzøn.
 Kv yì ndø Yü pün cwøñø *Sütana tütònø nø, sø
 v mà nø. ⁸ Kv yoo tørtø yiri, à lòrì Yü-Tiu næe
 batwa, sø v li kv à yira. ⁹ Yá v dàñ le nø, v wó:
 «À pubwanv tø, à nø fwa n yira, kv me mú. À
 wáá n nø ba diàn jø tø nø à twá, à ma kwen à
 tønja diàn zenzøn». Kv dàñ nø yì nøtv, à mù wá
 bv à tián nø, à nø ba diàn jø tø yiri, sø kv pa
 Zwezi-Kørisø diàn tø ya dø nø wuu. ¹⁰ Kv mù
 nø pün, máñá tø, à nø ba diàn jø, nø à yèé lià
 nø twìn nø, nø à yèé ba nø fifin nø, nø à yèé ba
 nø keni nø càn wa, nø à yèé pucvni nø zva nø
 Zwezi-Kørisø yiri, à tø wulø pupwøn wa, dø kv
 nøtv mama Zwezi-Kørisø yiri. Kv yì cigá, máñá
 tø wa, à nø ba diàn jø, mø kv máñá tørtø wa, Yü
 yáá pa nø v diàn tø cigá cigá.

Korentø Kørisø lià tø yoo yì Polø

11 Nøtv tē, à nē bùà à tián nē, kv yī ndē à yuu təlél, kv ga yī á mù nē kálú nē, á pa à tun kv. Yá á mù yà nē mē, sē á biri nøtv tē à nē yī, sē lià yēni nē. À mù nē swē à tà won, *tuntuna tē, á ma bonjē yáá tián tē dē, ba nē dwē won mama wa. 12 Á tētē yèé dē, à nē twi á con, à tun á tētēni wa dē pínú, Yī dē ga twá dē nē, v tun yìèn tē nē yī v diàn tē muminan, dē tutunan tē nē biri v diàn tē, dē yomulan. Tē yìèn tētē mama biri dē, à cígá yī Zwezi-*Kørisē tuntunu. 13 Yìèn tē, à nē fwa Kørisē lià púlél tē duēn wa, mē tē mù nē à fwa á dē con. Yoo nēdv cīcī nē, à wà fwa á con. Kv mù nē yī, à nē wà pa à ya á yuu zılı tē. À dān lwèè á nē, kv yīrī.

14 Síún nē, à kùv ken sírí, sē à bà á con, sē kv dān ya à nē batwa nē. À nē twi, à bá sèe, à pa à jì á yuu zılı. À mù yī á tētē nē à pià, kv tà wiēn tē, á nē jē nē à pià. Á yèé dē, kv tà bìsíná nē mē, sē ba pià wiēn ba tún ba nyīna nē, kv yī nyīna, ba nē mē, sē ba pià wiēn, ba tún ba pa ba bīa nē. 15 À mù sèe, sē à cùgù wiēn tē, à nē jē, sē à ma san aba. À ga sèe, sē à kwìn à mī tē tētē nē á yīrī. À nē swē aba zēnzēn nøtv tē yīrī, kv mē, sē á mù sóní nē mancīn cīcī, naaa?

16 Á yèé zēni dē, à wà pa à jì á yuu zılı. Yá á wa lià duēn dān swìn dē, à tun yíá swīan, à ma jon á wiēn. 17 Lià tē mama, à nē tun á con, ba wà tētē nē à twá, à ma gīgīrī aba? 18 À mù nē kwè Titē, sē v bà v na aba, à ga swìn nē liù tē don con, v nē yī nē nubiu Kørisē yīrī, sē v kwé

wá. Titə gıgıri aba, υ jon wiən á con, naaa? Á yèé də, à mù də Titə pubuŋa yi nədu. Ku tə υ nə fwa, də ku tə, à nə fwa yi won nədu.

¹⁹ Ku wàá ku pın, á buŋa də, nə sùràn tə tə mama yi nə pià nə ma caga nə tiàn yiri, á yáá con. Ku tà nətu, ku yi Yu yáá con sugu, nə swın, nə mù də Zwezi-Kərisə nə vwə duən nə tə yiri. Nə nubisoni-ba, sùràn təntə mama yi nə swın á con, sə tə wání tə dàn á jìàn Yu cwəŋə tə wa.

²⁰ Fən jə nə də, dıın don, à nə wá bà á con, də á jigə yiri don, à nə ba swə. À nə twi, də ku yi nətu, à də wá ya yiri don, á də nə bá sóní. Fən jə nə, à ba swə, sə à bà á con, də á dı jara də duən, nə à yèé á ja wugwuυ də duən, nə à yèé dıŋı wulə á tətəŋı wa, nə à yèé á jıga duən nə, sə á doni duən, nə à yèé á swın yolwana á pın duən nə, nə à yèé á maŋa yièn á pın duən nə, nə à yèé á fwa fwıə, nə à yèé á tuŋa yièn gure gure. ²¹ Fən tə ma jə nə də, à nə wá bà á con, naa ku tə nə, à nyına Yu nə kúú wá pa, cavıra ja nə á yáá con. Fən tə ma jə nə də, à nə wá bà á con, də lià dáá á wa zənzən, ba nə tun cına tə ɛ, yá ba wà ba kwa vəvəri, ba ma sá ba cına tə. Ba bıcanı dán tə yi nəzwənən Yu yáá con, də ba pəni duən vεε vεε, də ba ga tuŋa yièn, ba ba ba tiàn janı. Də ku nə yın nətu, à púé wá cùgù, ba mù lià təntə yiri.

13

*Sagı tə yígúré sùràn
(2 Korentə tián 12.19-21; 10.1-11)*

¹ À wá bà á con, naa ku tē nē, dē à nē batwa nē. À nē yí á con, nē wá b̀̀r̀̀r̀̀ l̀̀à tē mama, ba nē fwa cuna, tē b̀̀r̀̀r̀̀. Nē wá fwa, ndē Ỳ̀u sagi tē nē sẁ̀n, ku ẁ̀: «Á mē, sē á dí yáá á nì l̀̀à b̀̀l̀̀, nē à ỳ̀è l̀̀à batwa nii s̀̀r̀̀n liù yuu wa, á d̀̀n ga zigi lá á b̀̀r̀̀r̀̀ v̀̀ b̀̀r̀̀r̀̀». ² À nē b̀̀l̀̀ nii túr̀̀ tē, à nē twi á con, à dí yáá, à dù súú l̀̀à tē, ba nē fwa cuna tē nii nē, dē ba duēn tē dē mama nii nē. Síún nē, à ḡ́ńá dē aba, à ga tē bwé à dwi súú ba nii nē, sē ba lwar̀̀ dē, à nē p̀̀i à bà, à bá l̀̀ ba liù mama, à dugv̀̀ v̀̀n nē. ³ À ỳ̀è dē, á p̀̀à, sē á na ku tē nē b̀̀r̀̀ dē, Zwezi-*Kerisē nē twá dē nē v̀̀ sẁ̀n. Á ỳ̀è dē, v̀̀ mù tà liù tē, v̀̀ nē ba diàn j̀̀ á yáá con. V̀̀ ỳ̀ liù tē, v̀̀ nē t̀̀ḡa dē diàn á t̀̀t̀ḡi wa. ⁴ Ku ỳ̀ cígá, ba paa Zwezi-Kerisē dagarv̀̀ tē yuu wa, v̀̀ ga wà diàn j̀̀n. Yá síún nē, v̀̀ d̀̀n wul̀̀ mu wa, Ỳ̀u diàn tē ỳ̀r̀̀. Nē dē ba diàn j̀̀, nē mù dē v̀̀ mù nē vẁ̀ duēn nē ỳ̀r̀̀. Yá nē d̀̀n wá twá dē wá, nē ya mu wa Ỳ̀u diàn tē ỳ̀r̀̀. M̀̀ḡá tē, nē nē twi á con, nē wá b̀̀r̀̀ aba diàn t̀̀t̀̀.

⁵ Á d̀̀n b̀̀ḡa á t̀̀t̀̀ yuu wa z̀̀ni, á j̀̀n á cígá nē keni á waa Zwezi-Kerisē nē wuu. Á nē b̀̀n á t̀̀t̀̀ yuu wa ǹ̀tv̀̀, á ba lwar̀̀ dē Zwezi-Kerisē nē wul̀̀ dē aba naaa? Dē ku nē tà ǹ̀tv̀̀, ku wá ya á k̀̀r̀̀ á tiàn á ga. ⁶ À b̀̀ḡa dē, á wá lwar̀̀ dē, nē mù wà nē tiàn k̀̀r̀̀ nē ga. ⁷ Ku tē nē d̀̀n l̀̀r̀̀ Ỳ̀u con, ku ỳ̀, sē v̀̀ san aba, á d̀̀nà ká t̀̀n yolwan mama. Ku tà nē p̀̀à, sē nē ma b̀̀r̀̀ aba dē, nē mù k̀̀r̀̀ nē tiàn nē na dē, nē dí diàn. Ku ỳ̀ nē p̀̀à, sē á t̀̀n z̀̀ni c̀̀c̀. Yá nē mù con, ku ǹ̀tv̀̀ d̀̀n nē sẁ̀, ku ỳ̀ ndē nē k̀̀r̀̀ nē tiàn nē

ga, ku tà nè yáá. ⁸ Nə wàrì cígá tə nè nè ziga. Nə pià nè fwa cígá yìèn cici. ⁹ Ku yi cígá, də á mù nè jə Yu diàn tə, yá nè mù ba diàn jə, nè yáá wulə pupwən wa. Ku tə nè dàń lòri Yu con, ku yi, sə v san aba, sə á va yáá wuuu. ¹⁰ Mə ku mù nè pɪn, à púpúní sagɪ ku tə, à pɪn aba, də à bwálí tə ɲúná də aba. Á ba pià, sə à bà à yí á con, də yìèn wulə, tə nè wá pa, à caga á nii nè. *Yuu-Tiu yi v ken v diàn tə à jɪn wa, sə à ma dàn á jìàn Yu cwəŋə tə wa. Ku tà v pɪn tə nè, sə à ma cùgò aba.

(Filipə tián 4.4-9)

¹¹ À nubia-ba, ku tə nè sùrí lá, á yana pupwən wa. Á siá, sə Yu san aba, sə á va yáá wuuu. Á siá, sə ba kwè aba, sə á ja pubuŋa nədu. Á yana duən nè də bɪcan sié, Yá sonu də bɪcan sié Yu dàń wá ya də aba. ¹² Á jòná duən də zilé zənzən də sonu, ndə Kərisə là nè mɛ, sə ba fwa nətu. Kərisə là tə mama, ba nè wulə yəbə, jònì aba.

¹³ Yuu-Tiu Zwezi-Kərisə nè wá fwa v pubwanu tə á yira. Yu wá fwa v sonu tə á yira. Yá Yu-
*Siŋu tə, ku nè pɪn, nè vwə duən nè, wá ya də á mama.

Yu soywánó sagı
Nuni, Southern: Yu soywánó sagı New Testament
Le Nouveau Testament en Nun

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

d18530a7-7259-5f23-92b6-70e3abe5f3fa